

ՍՈՎԵՏԱԿԱՆ ՀԱՅԱՍՏԱՆԻ ԱԳՐԱՐԱՑԻՆ ՎԵՐԱՓՈԽՈՒՄՆԵՐԻ ԳՆԱՀԱՏՄԱՆ ՀԱՐՑԻ ԱՌԹՎ

ԳԱՐՍԵՎԱՆ ՇԱՌՈՑԱՆ

Սովետական Հայաստանի գյուղացիության պատմությանը նվիրված իր արժեքավոր աշխատության մեջ Վ. Ղազախեցյանը շոշափում է նաև ագրարային վերափոխումների պատմությանը վերաբերող հարցերը¹։ Նախ նկատենք, որ Վ. Ղազախեցյանի մենագրության ներածության ու սկզբնաղբյուրների տեսության բաժնում և այլուր շրջանցված է 1920-ական թվականներին հանրապետության պաշտոնական որոշ շրջաններում տարածված ու վավերագրերում տեղ գտած այն անհիմն վարկածը, ըստ որի Սովետական Հայաստանում հողազուրկ և սակավահող գյուղացիությունը հողաբաժնով բավարարվել է միջակ գյուղացիության հաշվին, իսկ 1920-ական թվականներին հողային հարաբերությունները կարգավորվելն ի վնաս միջակ գյուղացիության, ապա համոզված կարող ենք ասել, որ այն երեսը շուտ կտար սովետական իշխանությունից։ Բարեբախտաբար այդպես չի եղել։ Երևույթի խոր ու համակողմանի ուսումնասիրությունը ցույց է տալիս հակառակը։ Հայաստանում 1920-ական թվականներին տեղի ունեցած սովետական ագրարային-հողային վերափոխումների ընթացքում միջակ գյուղացիների հողաբաժինը ոչ միայն չի պակասել, այլև ավելացել է։ Հանրապետության տասնյակ հազարավոր հողազուրկ ու սակավահող չբավոր գյուղացիներ, ինչպես և միջակ գյուղացիության մի շրջափնի մասը հողաբաժնով բավարարվել են աշխարհիկ և հոգևոր կալվածատերերից բռնագրավված, կուլակ-ունեկոր տարրերի ձեռքում կուտակված, ինչպես նաև պետական ֆոնդի և լքյալ գյուղերի հողերի հաշվին։

Ինչպես տեսնում ենք, խնդիրը բավականին լուրջ է, և մենագրության հեղինակը պարտավոր էր անդրադառնալ այդ հարցին, ցույց տալ իր վերաբերմունքը, և ոչ թե հարևանցիորեն անցներ դրա կողքով։ Այդ խնդրի ճիշտ լուսաբանումից են կախված նաև մեր հանրապետության ագրարային հարաբերությունների 1920-ական թվականների պատմության ոչ պակաս կարևորություն ունեցող այլ պրոբլեմների ճիշտ և օբյեկտիվ մեկնաբանումներն ու գնահատումը։

Վ. Ղազախեցյանը ոչ միայն շրջանցել է «միջակի հաշվին» հողահավասարեցման հակապատմական վարկածը, այլև ինքն իր հերթին «շրջանառության մեջ» է դրել սխալ տվյալներ։ Խրախուսելի է, երբ նա համաձայն է մեր այն տեսակետի հետ, ըստ որի Սովետական Հայաստանի գյուղական բնակ-

1 Վ. Ն. Ղազախեցյան, Սովետական Հայաստանի գյուղացիության պատմությունը 1920—1929 թթ., Երևան, 1975։

չության մեկ շնչին հասնող հողաբաժինը 1920-ական թվականներին ավելին է եղել, քան պատերազմից առաջ: Դրանով նա փաստորեն մերժում է Ս. Շաղունցի և ուրիշների աշխատություններում տեղ գտած սխալ թեզն այն մասին, թե, իբր, Հայաստանի գյուղացիության մեկ շնչին 1914 թ. միջինը ընկնում էր 0,77 դեսյատին պիտանի հող, իսկ 1920-ական թվականների կեսերին՝ 0,5 դեսյատին: Դրան հակառակ վ. Ղազարխեցյանը գտնում է, որ 1925—1926 թթ. Հայաստանում մեկ շնչին հասնող հողաբաժինը ոչ թե կես, այլ ամոտ 0,9 դեսյատին էր, կամ նախասովետական ժամանակաշրջանի համեմատությամբ ավելացել էր 0,11 դեսյատինով²: Մոտենալով պատմական ճշմարտությանը, վ. Ղազարխեցյանը, սակայն, մնում է կես ճանապարհին: Նա միաժամանակ թույլ է տալիս անճշտություն՝ նվազեցնում է գյուղացու հողաբաժնի չափը: Նա գրում է, որ Սովետական Հայաստանում գյուղացիական բնակչության յուրաքանչյուր շնչին միջին հաշվով հասնում էր 0,88 դեսյատին պիտանի հող (վարելահող, խոտհարք, այգի և տնատեղ)³: Այդ թիվը սխալ է: Նշված չորս հողատեսքերը միասին վերցրած գյուղացու շնչապատկան հողաբաժնի չափը կազմել է 1,02 դեսյատին (միայն վարելահողը՝ 0,9 դեսյատին): Դա նշանակում է, որ նախապատերազմյանի համեմատությամբ 1920-ական թվականների կեսերին Սովետական Հայաստանում գյուղացու շնչապատկան հողաբաժինը ավելացել էր ոչ թե 0,11, այլ՝ 0,25 դեսյատինով: Այլ կերպ ասած՝ յուրաքանչյուր գյուղացու շնչապատկան հողաբաժնի չափը կրկնակի անգամ ավելին էր, քան 1920-ական թվականներին հանրապետության պաշտոնական որոշ շրջաններում գրում ու խոսում էին այդ մասին⁴:

վ. Ղազարխեցյանը բանավեճի առարկա է դարձրել կալվածատիրության վերացման և կուլակության հողաթափման բնութագրման հարցը: Նա սխալվում է, երբ վերապահորեն է խոսում, լրիվ չի ընդունում, որ Հայհեղկոմի 1920 թ. դեկտեմբերի 28-ի հողերի պետականացման վերաբերյալ դեկրետով Հայաստանում ևս կիրառվել է բուրժուա-դեմոկրատական հեղափոխության միջոցառում՝ վերացվել է ֆեոդալիզմի մնացուկ աշխարհիկ և հոգևոր հողատիրությունը: վ. Ղազարխեցյանը գտնում է, որ ֆեոդալական հողատիրության վերացումը Հայաստանում էական դեր չի խաղացել ագրարային վերափոխումների մեջ, քանի որ «ֆեոդալական հողատիրապետությունը Հայաստանում մեծ տարածում չունեիր»⁵: Մենագրության հեղինակը մի պահ մոռանում է, որ բանն այն չէր, որ Ռուսաստանի համեմատ ֆեոդալական հողատիրությունը Հայաստանում մեծ տարածում չունեիր, այլ այն, որ այդպիսին կար ու սովետական իշխանությունը եկավ և այն հիմքից վերացրեց: Էականը երեւիլովի սոցիալ-քաղաքական կողմն էր: Այստեղ տեղին է վերհիշել վ. Ի. Լենինի հետևյալ խոսքերը, որ նա ասում էր բուլղերիկների կուսակցության VII կոնֆերանսում (1917 թ. ապրիլ): «Բանն այն չէ,— ասում էր վ. Ի. Լենինը,— գյուղացիները քիչ հող ունեն, թե՞ ոչ», մենք պետք է հանդես գանք «կորչի ճորտատիրությունը» պահանջով⁶: Սովետների համառուսաստանյան II հա-

² Նույն տեղում, էջ 156:

³ Նույն տեղում:

⁴ Այդ մասին հանգամանորեն տե՛ս. Գ. վ. Շ ա ո ո յ ա ն, Գյուղի ներքին հողաբաժանությունը Սովետական Հայաստանում (1921—1929 թթ.), Երևան, 1965, էջ 70—82:

⁵ վ. Ղ ա զ ա խ ե ջ յ ա ն, Նշվ. աղյ., էջ 18:

⁶ վ. Ի. Լ ե ն ի ն, Երկեր, հ. 24, էջ 347:

մագոմարում նա նշում էր. «էականն այն է, որ գյուղացիութիւնն հաստատապէս համոզվի, որ գյուղում այլևս կալվածատեր չկան»⁷։ Հետեաբար, սակավահող Հայաստանում սովետական կարգերի հաստատմամբ ֆեոդալիզմի մնացուկ կալվածատիրական 200 հազար դեսյատին հողատարածութեան բրդնագրավումն ու անհատուլց աշխատավոր գյուղացիութեանը հանձնելը, առանց ավելորդ վերապահութեան, պետք է դիտել որպէս բուրժուա-դեմոկրատական հեղափոխութեան միջոցառում։ Բացի դրանից, որպէս լրացուցիչ փաստարկ, վերհիշենք հայ գյուղացիութեան պայքարի պատմութեան մի կարեւոր դրվագ։ Սկսած 1917 թ. մարտից մինչև 1920 թ. ներառյալ, մոտ չորս տարի անընդմեջ, ագրարային շարժումը Հայաստանում զնալով ուժեղանում էր։ Այս հանդամանքը ցույց է տալիս շարժման գյուղացիական՝ բուրժուա-դեմոկրատական էտապն ու բնույթը, մի շարժում, որը պսակվեց հաղթանակով միայն Հայաստանում սովետական կարգերի հաստատմամբ։ Հենց ինքը՝ Վ. Ղազախեցյանը, իր մենագրութեան 122-րդ էջում գրել է. «Սովետական Հայաստանի առաջին ագրարային վերափոխումների մեջ կարեւոր տեղ են գրավում կալվածատիրական հողերի բռնագրավումն ու բաժանումը»։ Ինչպէս տեսնում ենք, Վ. Ղազախեցյանն այս հարցում ընկել է երկրնարանքի մեջ և, ըստ էութեան, ինքն իրեն հակասում է։

Վ. Ղազախեցյանը, մեր կարծիքով, սխալ է թույլ տալիս նաև, այսպէս կոչված, կուլակութեան մասնակի «ունեզրկման» հարցը քննելիս։ Մի՞թե պատմական իրողութիւնն չէ այն փաստը, որ Սովետական Հայաստանում ևս հողի ազգայնացման, այն պետական-համաժողովրդական սեփականութիւն դարձնելու սկզբունքը 1921—1922 թթ. վարչական կարգով իրականացնելու ջնքացքում կուլակութիւնը հողաթափ էր լինում։ Մի՞թե այդ եղանակով կուլակութիւնը Հայաստանում ևս, ինչպէս Սովետական Ռուսաստանում էր 1918 թ., չզրկվեց նախասովետական ժամանակներում, հատկապէս դաշնակցութեան տիրապետութեան տարիներին, տարբեր ճանապարհներով ձեռք բերած ավելցուկ հողատարածութիւններից։ Այդ փաստը Սովետական Հայաստանի ագրարային հարաբերութիւնների պատմութիւնից շնչել հնարավոր չէ, քանի որ պատմական իրողութիւնը ամեն ուժից վեր է։

Իսկ ո՞րն է պատմական իրողութիւնը. ա) հրատարակվել են փաստաթղթերի ժողովածուներ, որոնցում զետեղված վավերագրերը ցույց են տալիս, թե կուլակները 1917—1920 թթ., հողագործութեան համար պիտանի, լավորակ հողերն ինչպիսի խարդախ ճանապարհներով էին իրենց ձեռքում կենտրոնացնում⁸, բ) Այդ մասին են գրել մի շարք հետազոտողներ⁹։ գ) ՀՍՍՀ պետական պատմական արխիվում պահպանվել են ժամանակի ապրքեր բնույթի վավերագրեր ու այլ նյութեր։

Այստեղ հարկ ենք համարում ընդգծել, որ 1917—1920 թթ. Հայաստանի կուլակութեան ձեռքում հողամասերը կուտակվում էին հիմնականում երեք ճանապարհով. ա) կուլակն օգտվելով համագյուղացու օրհասական վիճակից,

7 Վ. Ի. Լենին, Երկեր, հ. 26, էջ 311։

8 Տես «Առաջին-մասսայական-հեղափոխական շարժումները՝ Հայաստանում», Երևան, 1932, «Հոկտեմբերյան մեծ հեղափոխութիւնը և սովետական իշխանութեան հաղթանակը Հայաստանում», Երևան, 1960։

9 Վ. Միքայելյան, Հայաստանի գյուղացիութիւնը սովետական իշխանութեան համար մղված պայքարի ժամանակաշրջանում (1917—1920 թթ.), Երևան, 1960։

չնչին վարձատրությամբ գնում էր նրա հողաբաժինը: բ) Գյուղ-համայնքների կողմից կալվածատերերից ու կապալառուներից գրավված վարելահողերի և խոտհարքի առյուծի բաժինն ընկնում էր գյուղի կուլակ-գոռքայի ձեռքը: գ) Այն սահմանափակ թվով գյուղերում, որտեղ կատարվում էր համայնական հողերի վերաբաժանում, լավորակ հողերն անցնում էին կուլակներին՝ վերջիններիս զանազան մեքենայությունների շնորհիվ:

Հայաստանում սովետական կարգերի հաստատման նախօրյակին կալվածատիրության դեմ համագյուղացիական պայքարից բացի, շքավոր, հողագործ ու սակավահող գյուղացիները պայքարում էին նաև կուլակի ու հողերի ձեռքում կենտրոնացրած գյուղի զոռքայի դեմ:

Արխիվային բազմաթանակ վկայություններից այստեղ հիշատակենք միայն երեքը. ա) 1920 թ. ապրիլի 24-ին էջմիածնի գավառի համայնական վարչությունը հայտնում էր, որ «Տարիներով հողագործ կուլակները պահանջում են հող և հողի հավասարեցում, և արդեն իրենք սկսել են այդ գործը, որը առաջ է բերել ամեն մի գյուղում երկու հոսանք. մեկը՝ որից հող պիտի կտրվի, իսկ մյուսը՝ որոնց պիտի հող տրվի»¹⁰: Ընդ որում, նույն վարչությունը դաշնակցական կառավարությանը նախադրուշացնում էր, որ եթե մենք չմիջամտենք, ապա գյուղի ճնշվածներն իրենք «կռվով ու դավալ կլուծեն այդ և նման շատ հարցեր» իրենց եղանակով՝ «հեղափոխական ճանապարհով»¹¹: բ) 1920 թ. հունվարին վերաբերող պաշտոնական զեկուցագրերից մեկում նոր-Բայազետի գավառի մասին ասված է՝ «գավառի ամենացավոտ հարցերից մեկն է հողային հարցը: Հողն այստեղ... կենտրոնացված է... հարուստներն ձեռքում»¹²: գ) էջմիածնի գավառի Աղավնատուն գյուղի աշխատավոր գյուղացիության լիազորները 1919 թ. նոյեմբերի 25-ին դաշնակցական կուսակցության էջմիածնի շրջանային կոմիտեին ներկայացնում են մի դիմում, որում ասված է՝ «Պատիվ ունենք հայտնելու կոմիտեիդ, որ մեր գյուղի վարելահողերի մեծ մասը գտնվում է գյուղի մի քանի վաշխառուների ձեռքում, իսկ մնացած 2/3-ը՝ բնակչության, գլխավորապես աղքատները բոլորովին հողագործ են» և խնդրում էին օգնել իրենց՝ արդար կեքսզով կատարելու հողաբաժանություն¹³:

Բերված վկայությունները բազմանշանակալից են: Միայն կամենում ենք կրկին նշել, որ մինչև ագրարային հարաբերությունների սովետական վերափոխումների սկսվելը, Հայաստանի գյուղերում հողագործության համար պիտանի հողերի մի շոշափելի մասը կենտրոնացված է եղել կուլակ-վաշխառուական տարրերի ձեռքերում:

Մենք դիտավորյալ կանգ առանք Հայաստանում սովետական կարգերի հաստատման նախօրյակի ագրարային հարաբերությունների որոշ հարցերի վրա, որպեսզի արդեն սովետական տարիներին տեղի ունեցած վերափոխումների գնահատմանը կարողանանք տալ պատճառաբանված պատասխան:

Այժմ անդրադառնանք սովետական իշխանության տարիներին կուլակության հողային ունեզրկման հարցին:

10 ՄՍՍՀ պետական կենտրոնական պատմական արխիվ (այսուհետև՝ ՄՍՍՀ ՊԿՊԱ), ֆ. 201, ց. 1, գ. 255, թ. 74:

11 Նույն տեղում:

12 Նույն տեղում, ֆ. 199, ց. 1, գ. 134, թ. 64:

13 Նույն տեղում, ֆ. 214, ց. 1, գ. 5, թ. 50:

Մեր կարծիքով, Վ. Ղազարխեցյանը սխալվում է, երբ կուլակությունից բռնագրավված ավելցուկ հողերը հողազուրկ աշխատավոր գյուղացիության օգտագործմանը հանձնելը չի դիտում որպես հեղափոխական միջոցառում: Այդ ինչպես է, որ մենագրության հեղինակը նույն երևույթը, նույն միջոցառումը Ռուսաստանում համարում է հեղափոխական, իսկ Հայաստանում՝ ոչ:

Բերենք երեք օրինակ. ա) Ա. Մուսվյանը 1921 թ. դեկտեմբերին հրապարակած իր «Մի հիմնական և հրատապ հարցի մասին» խորագրով հոդվածում գրում էր, որ կուլակ գավառում «գյուղացիք իրենք գրավել են կալվածատերերի ու համփաների (կուլակների) հողերը ու իրենց հասկացած ձևով բաժանել»¹⁴, բ) 1922 թ. նոյեմբերին սովետների Ալեքսանդրապոլի գավառային II համագումարում, Մոլլա-Գյոթլալի շրջանի պատգամավորն իր ելույթում ասում է, որ իրենց մոտ հողային հարցը ճշատ էր սրվել, կային կուլակներ, որոնք ունեին 60—70 դեսյատին հող և շահագործում էին աղքատ գյուղացիներին: Այսօր շնորհիվ խորհրդային իշխանության, կուլակները տապալված են և հողը պատկանում է համայնքին»¹⁵: գ) Կոտայքի շրջանի Թեջրաբակ (Չորաղ-բյուր) գյուղից հաղորդում էին, որ՝ «գյուղի բերրի հողը, որ գտնվում էր մի 10 կուլակների ձեռքին, այսօր հավասարապես բաժանված է շնչերի վրա»¹⁶:

Ինչ անուն տալ վերևում հիշատակված փաստերին: Դրանք, արդյոք, չեն հաստատում այն թեզը, որ 1921—1922 թթ. Սովետական Հայաստանում միաժամանակ տեղի էր ունենում և՛ կալվածատիրության վերացում, և՛ կուլակության հողային ունեզրկում: Այսինքն, կուլակին, որպես համայնքի անդամի, տրվում էր հողաբաժին, իսկ նրա մոտ եղած ավելցուկ հողերը բռնագրավվում էին հօգուտ սակավահող գյուղացիներին:

Պատմական իրողությունն իր փաստական հագեցվածությամբ այնքան հարուստ է ու ակնհայտ, որ հենց ինքը՝ մենագրության հեղինակը, մոռանալով թե ինչ է ասել իր աշխատության 18—19-րդ էջերում, հետո, առանց որևէ վերապահության ընդունում է, որ Նոր-Բայազետի գավառում սովետական առաջին ագրարային վերափոխումներին «գյուղի չքավոր ու միջակ դասակարգը սիրով ընդառաջ է գնում», իսկ կուլակները և նախկին կառավարությունների պաշտոնյաները, «որոնք իրենց ձեռքն էին գցել լավորակ ու շատ հողամասեր, ոչ մի կերպ չէին հաշտվում այն մտքի հետ, որ նրանցից նման հողամասերը պիտի վերցվեն ու հանձնվեն աշխատավորներին»¹⁷: Ապա մի քանի էջ անց Վ. Ղազարխեցյանը գրում է, որ Սովետական Հայաստանում «հողաբաժանության ժամանակ ամենուրեք կուլակներից վերցվեց նորմայից ավելի հողը»¹⁸:

Այժմ մնում է պատասխանել այն հարցին, թե կուլակության հողային (և մասամբ արտադրական) ունեզրկումը կարելի՞ է համարել սոցիալիստական հեղափոխության միջոցառում, թե ոչ: Միջոցառում, որը 1921—1922 թթ. կիրառվում էր հաղթանակած Հոկտեմբերյան սոցիալիստական մեծ հեղափոխության ծնունդ հանդիսացող Սովետական Հայաստանում, կոմունիստական

¹⁴ «Խորհրդային Հայաստան», 13. XII. 1921:

¹⁵ ՍՄԿԿ Կենտկոմին կից մարքսիզմ-լենինիզմի ինստիտուտի հայկական մասնաճյուղի արխիվ (այսուհետև՝ ՄԻ արխիվ), ֆ. 1, ց. 1, գ. 180ա, թ. 124:

¹⁶ «Խորհրդային Հայաստան», 3. XI. 1921:

¹⁷ Վ. Ղազարխեցյան, նշվ. աշխ., էջ 123:

¹⁸ նույն տեղում, էջ 133—134:

կուսակցության ղեկավարությանը կազմակերպված հեղկոմների, սովետների ու հողկոմների կողմից: Մեր կարծիքով, այդ հարցին կարելի է տալ դրական պատասխան, անկախ այն բանից, թե այդ հեղափոխական միջոցառումն ինչ ձև ու ծավալ է ունեցել: Մենագրության հեղինակն առարկելով մեզ, հարցին տալիս է բացասական պատասխան: «Սովետական Հայաստանի 1921—22 թթ. ագրարային վերափոխումների փորձը,— գրում է նա,— բավարար տվյալներ չի տալիս գյուղում սոցիալիստական հեղափոխության միջոցառումների մասին խոսելու համար»¹⁹: Նման թեզը պետք է հիմնավորել, փաստարկել, մի բան, որ Վ. Ղազարխեցյանը չի անում:

Վ. Ղազարխեցյանը սխալվում է, երբ խոսելով 1920-ական թվականների դյուղի ներքին հողաբաժանության հարցի մասին, առավելությունը տալիս է հողի սոսկ հավասարեցման եղանակին, արժեքագրելով հողերի ընդհանուր վերաբաժանման եղանակը²⁰, Մենք չենք բացասում հողի սոսկ հավասարեցման տնտեսական ժամանակավոր դրական դերը այսպես կոչված «կայուն հողօգտագործության» ասպարեզում: Բայց հօգուտ աշխատավոր գյուղացիության շահերի, առավելությունը պետք է տալ հողերի ընդհանուր վերաբաժանմանը²¹:

Զե՞ որ խոսքը վերաբերում է նախ և առաջ հողային հարցի արդար լուծմանը պրակտիկայում: Հարցը շատ պարզ է ու որոշակի: Հողագուրկ և սակավահող աշխատավոր գյուղացիության համար ո՞ր եղանակն էր շահավետ «հողի սոսկ հավասարեցումը», թե՞ «ընդհանուր վերաբաժանումը»:

1921—1927 թթ. Սովետական Հայաստանի գյուղերում ամենուրեք սովորական երևույթ էր, երբ հողագուրկ ու սակավահող գյուղացիությունը պայքարում էր կուլակ-ոռնեկոր տարրերի դեմ՝ հանուն հողերի ընդհանուր և հավասարաբաժանման: Այդ պայքարը գնալով սրվել է: Հարցուրավոր օրինակներին այստեղ հիշատակենք մի քանիսը. ա) ՀԿ(Բ)Կ Լոռի-Փամբակի գավառային կոմիտեի քարտուղարը 1924 թ. ապրիլի 2-ին Կենտկոմին գրում էր, որ գավառի կյանքում ամենակարևոր խնդիրը հողային հարցն է: Նա բերելով Ստեփանավանի շրջանի օրինակը, հաղորդում էր, որ այդ շրջանում կուլակությունը, որը մի ժամանակ իր ձեռքում կենտրոնացրել էր գյուղի լավորակ ու գյուղին մոտ ընկած հողերը, բացահայտորեն դեմ է դուրս գալիս հողերի ընդհանուր և հավասարաբաժանմանը²²: բ) Նույն գավառի հողբաժվարը 1924 թ. հունիսի 5-ին հանրապետության հողօրդկոմատին գրում էր, որ հողերի «սոսկ հավասարեցման» եղանակը, որը «համարյա բխում է № 2631 շրջաբերականից, չի վերացնի գյուղերում հողերի բաշխման անարդարությունը», քանի որ «երկար տարիների ընթացքում ունևոր և ազդեցիկ գյուղացիք

¹⁹ Նույն տեղում, էջ 19:

²⁰ Նույն տեղում, էջ 20: Հողաբաժանության այդ երկու եղանակները թույլատրվում էր հանրապետության 1923 թ. հողային օրենսգրքով: Սրա 91-րդ հոդվածում ասված է. «Համայնական կարգով հողօգտագործումն ունեցող հասարակությունների մեջ հողի հավասարաբաշխումը կատարվում է ընդհանուր վերաբաժանության կամ առանձին ծխերի հողաբաժինների հավելման ու կրճատման միջոցով» (սեՍԽՀ ղեկերտների և որոշումների հավաքածու, 1923, № 8, էջ 21—22):

²¹ Գ. Շ ա ո յ ա ն, նշվ. աշխ., էջ 31—45, 148—158:

²² Մի արխիվ, ֆ. 1, ց. 3, գ. 245, ք. 18:

ձեռք են բերել հողի ամենալավ կտորները»²³, գ) «խորհրդային Հայաստանը» 1923 թ. հունիսի 1-ին գրում էր, որ հողերի սոսկ հավասարեցման դեպքում հողաշատ գյուղացին ինքն է որոշում նախօրոք վերցնել «իր նաֆարապատկան հողը», ապա թափել «այն կտորները, որոնք ինքն է ուղում»:

դ) Ռեզամալ գյուղում գյուղհոգևածը 1924 թ. սոսկ հավասարեցման եղանակով կատարում է գյուղի ներքին հողաբաժանությունը և այդ մասին իրադեկ դարձնում գյուղացիներին: Սակայն գյուղի սակավահող չքավոր գյուղացիությունն ըմբոստանում է նման հողահավասարեցման դեմ, այն համարելով անարդարացի: Ռեզամալում բարձրացված աղմուկը հասնում է Ախտա (չրըչ-Վենտրոն) ու Երևան, Շրջկենտրոնից 1925 թ. փետրվարին ուղարկված հանձնաժողովը տեղում ստուգելով գործը, բացահայտում է լուրջ կեղծիքներ: Ռենդամալի աշխատավոր գյուղացիության ընդհանուր ժողովը որոշում է բեկանել սոսկ հավասարեցմամբ կատարված հողաբաժանումը և կիրառել հողերի ընդհանուր ու հավասարաբար վերաբաժանում²⁴, ն) Նույնը տեղի է ունենում նաև Ալափարսում²⁵, գ) Չոթուր գյուղից (այժմ Սարամեջ, Սպիտակի շրջան) 1925 թ. մարտին գրել են, որ գյուղում մի քանի անգամ կատարվել է հողահավասարեցում և միշտ էլ «հողագուրկ գյուղացին ստացել է ամենաանպետք հողերը», իսկ 1925 թ. կատարված հողերի ընդհանուր վերաբաժանմամբ Չոթուրում գյուղացին առաջին անգամ էր տեսնում «արդարացի և հավասար հողաբաժանություն»²⁶, է) Ախտայի շրջհողաբաժնի 1924 թ. զեկուցագրում նշված է, որ շրջանի շատ գյուղերում հողերի վերաբաժանման մասին որոշումն ընդունված է չքավորների ցանկությամբ²⁷, ը) ՀԿ(բ)Կ Լոռի-Փամբակի գավկոմը 1924 թ. Անդերերկրում ներկայացրած զեկուցագրում նշում էր, որ Լոռի-Փամբակի գավառի մի շարք գյուղերում ներքին հողաբաժանության շուրջ գյուղացիների միջև սուր վեճեր են գնում. «չքավորները պահանջում են վերաբաժանում, իսկ կուլակները՝ հողահավասարեցում, քանի որ կուլակների ձեռքումն են գտնվում լավ հողամասերը»²⁸, թ) Նման երևույթի մասին է խոսում նաև ինքը՝ ամենագրության հեղինակը: Վկայակոչելով ՀԿ(բ)Կ Լոռի-Փամբակի Գավկոմի զեկուցագիրը, նա մեջբերում է կատաղում «այն մասին, որ գավառում գյուղի ներքին հողաբաժանության շուրջը «կոնֆլիկտներ» կան «կուլակների և չքավորների միջև»: Այդ «կոնֆլիկտներ» այն էր, որ «չցանկանալով զրկվել իրենց բրակյալ հողամասերից, կուլակները վերաբաժանությանը չեն համաձայնվում և առաջարկում են միայն հավասարեցում»²⁹:

Այսպիսով՝ Սովետական Հայաստանի գյուղերում ամենուրեք հողային հարցի արդար լուծման համար աշխատավոր գյուղացիությունն անհաշտ պայքարի մեջ էր լավորակ հողերն իրենց ձեռքում կենտրոնացրած կուլակ-ոռնեոր տարրերի դեմ: Այս ամենից հետո չի արդարացվում Վ. Ղազախեցյանի փորձը՝ պաշտպանելու Ս. Շադունցի թեզն այն մասին, որ եթե մենք կիրառենք հողի

23 ՀՍՍՀ Հոկտեմբերյան հեղափոխության և սոցիալիստական շինարարության պետական կենտրոնական արխիվ (այսուհետև՝ ՀՍՍՀ ՀՀՍՇՊԿԱ), ֆ. 123, ց. 1, գ. 1336, թ. 122:

24 Նույն տեղում, գ. 1359, թ. 23:

25 Նույն տեղում, գ. 1367, թ. 20:

26 «Մաճկալ», 22. III. 1925:

27 ՀՍՍՀ ՀՀՍՇՊԿԱ, ֆ. 123, ց. 1, գ. 780, թ. 67:

28 ՄԼԻ վրացական մասնաճյուղի արխիվ, ֆ. 13, ց. 1, գ. 599, թ. 27—28:

29 Վ. Ղազախեցյան, նշվ. աշխ., էջ 135:

լնդհանուր վերաբաժանում և դրանով հողը մեկից խմբեր և մյուսին տանք», ապա դա նշանակում է հողդուլտել տնտեսությունը, մասնավանդ, որ դա գնում է բացառապես ի վնաս միջակ տնտեսության³⁰։ Վ. Ղազախեցյանը հավանություն տալով Ս. Շադունցի այդ ոչ ճիշտ պատճառաբանությանը, իր կողմից ավելացնում է. «հողաբաժանության սոսկ հավասարեցման եղանակը ավելի շատ առավելություններ ունեւր»³¹, քան հողերի ընդհանուր ու հավասարար վերաբաժանումը։ Այնինչ մեջ բերված փաստերը վկայում են, որ հողի ընդհանուր վերաբաժանումը առավելություն ունեւր հողի սոսկ հավասարեցման նկատմամբ։

Անհաւականալի է, թե ինչու է Վ. Ղազախեցյանը գտնում, որ հանուն «կայուն հողօգտագործության» ավելի լավ էր լավորակ և աշխարհագրականորեն հարմար ընկած հողերը մնային գյուղի նախկին հողաշատ տարրերի ձեռքում, քան անցնեին սակավահող աշխատավոր գյուղացիության օգտագործմանը։ Հողերի «սոսկ հավասարեցման եղանակը.— շարունակում է պնդել Վ. Ղազախեցյանը,— ունեւր էական առավելություններ»³²։ Նա, ինչպես երևում է, մոռացել է նաև մեկ այլ կարևոր հանգամանք՝ լենինյան պահանջն այն մասին, որ պետք է պայքարել, որպեսզի իրագործվի հողի իսկական անցումը աշխատավոր գյուղացիության ձեռքը³³։

Եվ որովհետև 1920-ական թվականների առաջին յոթ տարիներին գյուղի ներքին հողաբաժանության ժամանակ հողի սոսկ հավասարեցման ընթացքում Հայաստանի շատ գյուղերում հողազուրկ և հողասակավ գյուղացիներին բաժին ընկան վատորակ ու գյուղից հեռու ընկած հողամասերը, նրանցից չբավորներն առաջին հերթին (որոնք գյուղացիության մեջ կազմում էին մեծ ուժ) դժգոհ մնացին և մինչև կոլտնտեսային կարգերի հաղթանակը պայքարում էին հողի արդար բաժանման և օգտագործման համար։

Հողերի սոսկ հավասարեցման եղանակի կիրառման հետևանքով, ինչպես դրում էր հանրապետության հողօրդկոմատն իր 1927—1928 թթ. հաշվետվության մեջ, «գյուղերում ամենալավ հողամասերը գտնվում են կուլակների և ունեւորների ձեռքում»³⁴։ Այդ է պատմական ճշմարտությունը, որը հաստատվում է նաև մենագրության հեղինակի բերած հետևյալ օրինակով։ 1928 թ. օգոստոսի 13-ին Հրազդանի շրջանի Քալարա (Ղուկասավան) գյուղի 45 չբավոր և 20 միջակ գյուղացիների միացյալ ժողովը որոշում է հողային օրգաններին խնդրել՝ իրենց գյուղում կատարել նոր հողաբաժանություն և ուղղել թույլ տրված սխալները։ «Հողային հանձնաժողովը գտավ,— գրում է Վ. Ղազախեցյանը,— որ գյուղացիների քննադատությունը ճիշտ է, և շտկեց թույլ տրված սխալները, չբավորների վատորակ հողաբաժինները փոխարինվեցին կուլակների լավորակ և մոտիկ հողաբաժիններով»³⁵։

Վ. Ղազախեցյանը նաև չի ընդունում, որ հավասարար հողաբաժանման հետևանքով 1920-ական թվականներին Հայաստանում հողատիրապետման,

30 Նույն տեղում, էջ 135—136 (ընդգծումը մերն է—Գ. Շ.)։

31 Նույն տեղում, էջ 136։

32 Վ. Ղազախեցյան, նշվ. աշխ., էջ 20։

33 Վ. Ի. Լենին, Երկեր, հ. 24, էջ 640։

34 «ՀՍՍՀ հողագործության ժողովրդական կոմիտեի 1927—1928 թթ. գործունեությանը», Երևան, 1929, էջ 18։

35 Վ. Ղազախեցյան, նշվ. աշխ., էջ 194։

հողաասլահովմածութեան առումով ամենուրեք «համատարած» միջակացում է տեղի ունեցել³⁶։ Ինչպես կարելի է բացասել այն իրողութիւնը, որ իրոք այդ տարիներին հողը, որպէս կարեւորագոյն արտադրամիջոց, որպէս հասարակութեան ամեն տեսակի նյութական բարիքների աղբյուր, համասարութեամբ չի անցել գյուղի բոլոր սոցիալական շերտերի աշխատավորական օգտագործմանը։ Եթե միայն վերցնենք հողի ապահովմածութիւնը, ապա այդ առումով հայկական դուռը դառնում է միատեսակ՝ միջականանում է։ Գյուղացիական բոլոր տնտեսութիւնները (չհաշված հողագործի հայ գաղթականներին) հողի ունեցվածքով հասնում են մի մակարդակի՝ գյուղացիական մեկ ծխին միջինը բաժին է ընկնում միայն վարեւահողից մօտ 4,5 դեսյատին։

Հողի հավասարար բաժանմամբ գյուղական համայնքների ներսում նախկինում եղած հողատիրապետման հակադիր բեւեռները ջնջվում են և առերևույթ տեղի է ունենում «համատարած միջակացում»։

Իհարկե, սա չէր նշանակում, թե հողի հավասարար բաժանմամբ, իրենց սոցիալ-տնտեսական դրութեամբ բոլոր գյուղացիները հավասարվում, դառնում էին միջակներ։ Սոցիալ-տնտեսական տարբերութիւնները (չբավոր, միջակ, կուլակ) դեռևս պահպանվում էին։

1920-ական թվականներին չբավոր գյուղացիութիւնն ապահովվելով հողաբաժնով և ստանալով սովետական իշխանութեան համակողմանի նյութական օգնութիւնն ու աջակցութիւնը, սկսում է տնտեսապէս կազդուրվել և մօտենալ միջակի մակարդակին։

Ահա այդ բարենպաստ օբյեկտիվ պայմաններում էր, որ սովետական գյուղացիութիւնը, հակառակ կապիտալիստականի, գնալով միջականում էր և դառնում գյուղի կենտրոնական դեմքը, ինչպէս իր մենագրութեան մեջ ճիշտ նշում է Վ. Ղազարխեցյանը։

Մի՞թե կարելի է բացասել այն ճշմարտութիւնը, որ Հայաստանում ևս չբավոր գյուղացիների առավել գիտակից խավերը 1920-ական թվականների վերջերից (1927, 1928, 1929 թթ.) հիասթափվելով հողի հավասարարութիւնից», հեռանում են հողի համայնական բաժանման ձևից և սկսում անցնել հողի սոցիալիստական օգտագործման եղանակին՝ կազմակերպում են կոլտնտեսութիւններ։ Իսկ Վ. Ղազարխեցյանը գրում է, որ Հայաստանում աշխատավոր գյուղացիները 1929 թ. հետո է, որ «հիասթափվելով և հրաժարվելով «հավասարարութիւնից» ու համայնական հողօգտագործումից, աստիճանաբար սկսում են անցնել սոցիալիստական հողօգտագործմանը³⁷, Իսկ ի՞նչ անուն տանք, ինչպե՞ս գնահատենք 1927—1929 թթ. կազմակերպված հողագործական կոլտնտեսութիւններին, որոնց մասին ինքը՝ մենագրութեան հեղինակը, գրում է. «Կոմունիստական կուսակցութեան 15-րդ համագումարի որոշումների լայն արձագանք գտան նաև Սովետական Հայաստանում։ Բազմաթիվ գյուղացիներ ցանկութիւն հայտնեցին կազմակերպել կոլեկտիվ տնտեսութիւն... 1928 թ. չբավորական ժողովներում և բատրակների կոնֆերանսներում ավելի շատ էր խոսվում կոլտնտեսութիւնների անհրաժեշտութեան մասին»³⁸։

36 Նույն տեղում, էջ 21—22։

37 Նույն տեղում, էջ 23։

38 Նույն տեղում, էջ 374—375։

Ինչպես տեսնում ենք, այս հարցում ևս Վ. Ղազարյանը ընկել է հաստատության մեջ, նա իր աշխատության 374—380 էջերում, փաստորեն մերժում է նույն աշխատության 22—23 էջերում ասածը:

Վ. Ղազարյանը առարկում է այն հետազոտողներին, որոնք սովետական ագրարային վերափոխումները բնութագրել են նաև որպես «ագրարային հեղափոխություն»: Վ. Ի. Լենինը բազմիցս գրել ու խոսել է «ագրարային հեղափոխության» մասին: Այսպես, օրինակ, 1906 թ. ՌՍԴԲԿ IV (միավորիչ) համագումարում քննադատելով իր հակառակորդներին, Վ. Ի. Լենինը ասում էր՝ «Մենք պետք է ուղղակի և որոշապես ասենք գյուղացուն, եթե դու ուզում ևս ագրարային հեղափոխությունը հասցնել մինչև վերջ, ապա դու պետք է նմանապես մինչև վերջ հասցնես նաև քաղաքական հեղափոխությունը. առանց քաղաքական հեղափոխությունը մինչև վերջ հասցնելու չի լինի բոլորովին կամ՝ չի լինի քիչ թե շատ կայուն ագրարային հեղափոխություն»³⁹, Քաջ հայտնի է նաև, որ սովետների համառուսաստանյան II համագումարից հետո, որտեղ ընդունվել էր լենինյան հայտնի դեկրետը՝ հողի մասին, Վ. Ի. Լենինը 1917 թ. դեկտեմբերի 5-ին (նոյեմբերի 22-ին), ասում էր, որ հողը տալով գյուղացիներին, մենք կատարել ենք «ագրարային հեղափոխություն»⁴⁰, Այժմ Վ. Ղազարյանը առաջարկում է մոռացության տալ «ագրարային հեղափոխություն» հասկացությունն ու պահանջը և դրա փոխարեն շրջանառության մեջ դնել «ագրարային ռեֆորմ» կամ «ագրարային վերափոխումներ» արտահայտությունները⁴¹:

Այո, երբ ամբողջությամբ վերցրած հանրագումարի ենք բերում ագրարային (հողային) հարցի լուծման համար աշխատավոր գյուղացիության տասնյակ տարիների համառ, զոհաբերություններով լի դասակարգային պայքարը կալվածատիրության ու կուլակության դեմ, երբ այդ պայքարը պսակվում է մեծագույն հաղթանակով, դա ոչ թե սոսկ «ռեֆորմ» է կամ «վերափոխում», այլ կատարյալ ագրարային հեղափոխություն՝ լինի դա թե՛ Սովետական Ռուսաստանում, թե՛ Սովետական Հայաստանում:

Մենք դեմ չենք օգտագործելու նաև «ագրարային ռեֆորմ», «ագրարային վերափոխումներ» արտահայտությունները: Բայց դրանք իրենց բովանդակությամբ ու նշանակությամբ շատ ավելի են հեղ ինչ ևս ու սահմանափակ, քան «ագրարային հեղափոխությունը»:

К ВОПРОСУ ОБ ОЦЕНКЕ АГРАРНЫХ ПРЕОБРАЗОВАНИЙ В СОВЕТСКОЙ АРМЕНИИ

ГАРСЕВАН ШАРОЯН

Резюме

Издательством АН Армянской ССР в 1975 г. была выпущена монография В. Н. Казахеяна «История крестьянства Советской Армении в 1920—1929 гг.». В своей ценной книге автор касается также вопросов,

³⁹ Վ. Ի. Լենին, Երկեր, հ. 10, էջ 315 (ընդգծումները մերն են—Գ. Շ.):

⁴⁰ Վ. Ի. Լենին, Երկեր, հ. 26, էջ 418:

⁴¹ Վ. Ղազարյան, նշվ. աշխ., էջ 22:

относящихся к истории аграрных (земельных) преобразований в Советской Армении: ликвидации помещичьих землевладений, конфискации лишних земель кулаков и их передачи трудовым крестьянам, форм и способов уравнительного раздела земли между крестьянами, характера совокупностей аграрных (земельных) преобразований двадцатых годов в Советской Армении и т. д. Однако интерпретацию затронутых вопросов со стороны Казахеция мы считаем неверной.